

# ROYALTHI YA DIMENERALE LE MEHLODI YA PETROLIAMO

## Ke sefe se Setjha?

- 28 Pherekong 2019 - Master data system release (RAV01)**  
 Ho ntshuwa hona ho hotjha ho akaretsa ngodiso le botho bo teng ba balefalekgetho ba MPRR mokgwatshebetso ona o motjha, mmoho le ho sibollweng ba akhaonto ya molefalekgetho. Mehato ena e itshetlehile hodima data e ka sehloohong e lokelang ho lokiswa (ho phethahatswa le ho nepahatswa). Dingodiso tsa Ditheo tse Ntjha tsa Molao le/kapa botho bo botjha ba MPRR di tla etswa ka tshebediso ya foromo ya RAV01, e nkang sebaka sa foromo ya kgale ya MPR1. Nomoro e ntjha ya akhaonto ya MPRR (eo hape e bitswang nomoro ya referense ya lekgetho la MPRR) e tla sibollwa mme e tla qala ka "814....".
- 01 Mphalane 2018 - Kgutliso ya Diroyalithi tsa Dimenerale le Mehloodi ya Petroliamo (MPR3)**  
 SARS e se e qadile ka foromo e ntjha e bitswang [Mineral and Petroleum Resources Return and Payment advice](#). Foromo ena e a fumaneha mme o ka e rwalla ho tswa inthaneteng ho toha ka la 1 Mphalane 2018 mme balefalekgetho ba seng ba le teng ba MPRR ba tla lebellwa hore ba tlatsa kgutliso ena e ntjha ya MPRR mmoho le foromo ya data:
  - Foromo ya kgale ya tsebiso ya Tefo ya Mehloodi ya Petroliamo (MPR2) le Kgutliso ya Diroyalithi tsa Dimenerale le Mehloodi ya Petroliamo (MPR3) di se di kenyeditswe ho ba Kgutliso e le nngwe ya [Mehloodi ya Petroliamo \(MPR3\)](#), ho etsa tsebahatso o tlameha ho tlatsa Kgutliso e ntjha (MPR3).
  - Kgutliso ya MPR3 e ntjhafaditswe ka mofuta wa minerale, yuniti ya ho metha mmoho le mothamo o fetisisweng (bokaalo) wa dimenerale tse rekisitsweng eo pejana e neng e sa akaretswe ka hara MPR3.
  - Foromo ya MPR3 e se tsepamisitswe hore e tle e tsebe ho sebetsa le tsohle tse kang ho faela, tefo le boitlamo ba kgutliso bo ka tlase:

Foromo ya MPR3	Ho faela	Tefo
<b>Kakanyo ya 1</b>	Kgutliso ya Kakanyo ya Pele e tlameha ho nyehelwa dikgweding tse tshelela (6) ka mora ho qala ha selemo sa hlahlobo.	Tefo ya Pele - 50% ya paloyohle ya kakanyo ya sekoloto sa selemo sa hlahlobo - dikgwedi tse tshelela (6) ka mora ho qala ha selemo sa ditjhelete.
<b>Kakanyo ya 2</b>	Kgutliso ya Kakanyo ya Bobedi e tlameha ho nyehelwa mafelong a selemo sa hlahlobo (ka hoo mafelong a dikgwedi tse 12, ka mora ho qala ha selemo sa hlahlobo - sena se sebetsa ebang ho sa ka ha ba le phetoho e entsweng ho mafelo a selemo sa ditjhelete).	Tefo ya Bobedi - balanse ya paloyohle ya kakanyo ya sekoloto sa selemo sa hlahlobo - mafelong a selemo sa ditjhelete (ka hoo pele ho fela dikgwedi tse 12 ka mora ho qala ha selemo sa hlahlobo - sena se sebetsa ebang ho sa ka ha ba le phetoho e entsweng ho mafelo a selemo sa ditjhelete).
<b>Boikgethelo ba 3/ Tlatsetso</b>	Kgutliso ya boikgethelo ba boraro ya tlatsetso, e bitswang "Return of Excess", e ka sebediswa ho etsa tsebahatso ya sekoloto sa tlatsetso sa selemo sa hlahlobo, se neng se sa kenyeletswa dikakanyong tsa pele le tsa bobedi tsa kgutliso (ka hoo, ebang e batleha pele ho fela dikgwedi tse 18 ka mora ho qala ha selemo sa hlahlobo - sena se sebetsa ebang ho sa ka ha ba le phetoho e entsweng ho mafelo a selemo sa ditjhelete).	Boikgethelo ba Tlatsetso ya Tefo ya Boraro - Bokaalo bo sa kang ba akaretswa kakanyong ya pele le ya bobedi ya selemo sa hlahlobo (ka hoo, ebang ho hlokeha, pele ho fela dikgwedi tse 18 ka mora ho qala ha selemo sa hlahlobo - sena se sebetsa ebang ho sa ka ha ba le phetoho e entsweng ho mafelo a selemo sa ditjhelete).
<b>Tefo ya Makgaolakgang</b>	Kgutliso ya selemo ka seng e tlameha ho nyehelwa dikgweding tse leshome le metso e mmedi ka mora ho fela ha selemo sa hlahlobo bakeng sa tsepamiso ya makgaolakgang ya dibuka tsa ditjhelete.	Tefo ya makgaolakgang ya sekoloto - dikgwedi tse 12 ka mora mafelo a selemo, moo kgutliso ya makgaolakgang ya sekoloto e fetang ditefo tse entsweng bakeng sa kakanyo ya 1 le ya 2 mmoho le ya boikgethelo ya 3.

- Ho kgothaletswa hore ditefo di etswe ka [eFiling](#) ka hara akhaonto ya SARS mme tefo ka nngwe e tlameha ho tsamaya mmoho le kgutliso e tlatsitsweng (MPR3). Ditefo di ka etswa ka tshebetso e bitswang eFiling "Additional Payments" (eo hape e bitswang "Ad Hoc" payment) ho mofuta wa lekgetho wa "MINR".

- Ditefo di ka boela di etswa ka mokgwa wa EFT kapa khaontareng ya banka, ka ho kgetha 'SARS Other' le ho sebedisa nomoro ya referense ya tefo (PRN) ya dinomoro tse 19. Ona ha se mokgwa o kgothaletswang mme o lokela ho sebediswa feela ebang ho se na boikgethelo ba mokgwa wa eFiling.
- PRN ya dinomoro tse 19 ke "TAXREFNUMBX00000155". Tefo ka nngwe e tlameha ho tsamaya mmoho le kgutliso e tlatsitsweng ya Royalthi ya Dimenerale le Mehloodi ya Petroliamo (MPR3).
- Ka mora la 07 Tshitwe 2018, ho tla fanwa ka nomoro e ntjha ya referense ya lekgetho, e tla qala ka "814...." ho balefalekgetho ba MPRR ba ngodisitsweng le bao e leng ditho tsa mokgwatshebetso o motjha wa tharollo.

**Keletso ya bohlokwa:** Balefalekgetho ba MPRR ba koptjwa ho fetohela mokgweng wa ho lefa ka [eFiling](#) kapele ka moo ho kgonehang ka teng. Sena se tla neha molefalekgetho nako e lekaneng ho rarolla momahanyo e ka bang teng ya mokgwatshebetso le eFiling mmoho le ditlhoko tsa tumello mokgwatshebetso wa bona wa tsa akhaonting le tefo. Mokgwa wa dibanka wa EFT o tla fediswa bakeng sa ditefo tsa MPRR ka la 31 Pherekong 2019, sena se bolela hore ditefo tsohle tsa MPRR di tla kgona ho leshwa feela ka mokgwa wa eFiling.

Ka mora la 31 Tlhakubele 2019, eFiling e tla ba ona mokgwa FEELA wa tefo bakeng sa MPRR.

### **Ebe molefalekgetho o tlameha ho etsa eng ho ikobela ditlhoko tsa mokgwa ona wa eFiling?**

- Ebang o ntse o sebedisa eFiling mme o etsa ditefo ka eFiling:
  - Tswela pele ho sebedisa motjha ona wa eFiling FEELA ho etsa ditefo tsa MPRR
- Ebang o so ka o sebedisa eFiling mme o etse ditefo ka eFiling:
  - Tlohela ho etsa ditefo ka EFT ka tsebediso ya ho banka ka inthanete kapa ditefo tsa khaontareng makaleng a dibanka
  - Ingodisetse eFiling ebang o so etse jwalo hore o tsebe ho faela makgetho a mang ka mokgwa ona wa eFiling
  - Kenya mme o romele dintlha tsa hao tsa banka ka hara eFiling hore o tle o tsebe ho etsa ditefo ho SARS
  - Fana ka lesedi lefe kapa lefe leo SARS e le kopang ho tiisa dintlha tsa banka

### **Ebe MPRR ke eng?**

Nakong ya ho feta, mehloodi ya dimenerale le ya petroliamo e ne e le tsa praeve, sena se ne se bolela hore tefo ya rafshwa ha mehloodi ena e ne e leshwa Mmusong feela tlasa mamemo a itseng, mohlala moo ho rafshwa ho neng ho etswa mobung oo e leng wa Mmuso.

Ho etsa hore Afrika Borwa e ikamahanye le ditlwaelo tsa jwale tsa matjhaba, Lefapha la Dimenerale le Eneji le tsebahaditse [Molao wa Dimenerale le Ntshetsopele ya Mehloodi ya Petroliamo, 2002 \(MPRDA\)](#) oo ka ona mehloodi ena e ananelwang e le mafa a batho bohle ba Afrika Borwa mme Mmuso e le moholokomedi wa ona molemong wa Mafrikaborwa kaofela.

Letona la Ditjhelete, ho latela dintlha tsa karolo ya 3(4) ya MPRDA le tlameha ho tsebisa le ho tla ka levi ya royalthi ya Mmuso ka tsela ya Molao wa Palamente. Sena se entswe ke Letona ka ho tsebahatsa [Molao wa Diroyalthi tsa Dimenerale le Mehloodi ya Petroliamo, 2008](#) mmoho le [Molao wa Diroyalthi tsa Dimenerale le Mehloodi ya Petroliamo \(Tsamaiso\), 2008](#), eo ka bobedi e tsamaiswang ke SARS.

Royalthi e ba teng ha ho ba le phetiso ya royalthi ya dimenerale tse rafuweng ho tswa Rephabliking. Ho tshwana feela le makgetho a mang kaofela a kang dikgafa, dilevi, ditefiso kapa tjhelete e bokelletsweng ke SARS, royalthi e bokelletsweng e leshwa Letloleng la Naha la Lekgetho.

### **E tobile mang?**

Batho bana ba latelang ba tlameha ho ingodisetsa tefo ya royalthi ho SARS:

- Motho ofe kapa ofe ya nang le tokelo ya ho rafa, phemiti ya ho rafa, tokelo ya ho fumana tse ka rafshwang, tokelo ya ho rafa, phemiti ya ho rafa kapa tokelo ya tlhahiso kapa ya lisi kapa lisi e ka tlasana e mabapi le tokelo e jwalo; kapa
- Motho ofe kapa ofe ya fumanang kapa ya sibollang mehloodi wa menerale o tswang ka hara Rephablike.

### **Ke tlameha ho nka mehato efe?**

Setheo se lokela ho ngodiswa ho ba molefalekgetho ka ho tlatsa foromo ya [RAV01](#) le ho fana ka ditokomane tse hlokehang ho tswa ho eFiling. Ebang o ingodisetsa SARS lekgetlo la pele mme o se na nomoro ya lekgetho, o tlameha ho etsa ngodiso ya setheo le ngodiso ya MPRR lekaleng la SARS, o ka boela wa fana ka [MPR1](#) e tlatsitsweng lekaleng la SARS. Hang ha setheo se qetile ho ingodisetsa lekgetho, se ka ba setho sa MPRR. Bakeng sa dipotso tse mabapi le ngodiso, ho ka ikopanngwa le SARS Contact Centre ho 0800 00 SARS 7277 kapa ho etelwe [lekala le haufi la SARS](#).

Hang ha ho se ho phethetswe ngodiso mme ho fanwe ka nomoro ya lekgetho, setheo se ka ingodisetsa eFiling, mme sena ke mahala mme se o nolofaletsatsa kgokahanyo le SARS. Setheo e ka ba setho sa MPRR ho eFiling ka ho tlatsa foromo ya RAV01 e karolong ya MPRR.

Hang feela ngodiso le botho di phethetswe, ho latelang ke motjha wa tsebahatso. Foromo e tlatsitsweng ya MPR3 e tlameha ho romelwa ka imeile ho [mineralroyalty@sars.gov.za](mailto:mineralroyalty@sars.gov.za).

## Ebe sekghahla sa royalthi ke sefe?

Sekghahla sa royalthi se sebetswa ho latela fomula e lohothilweng dikarolwaneng tsa (1) le (2) tsa karolo ya 4 ya Molao wa Diroyalthi tsa Dimenerale le Mehloodi ya Petroliamo, 2008 mme e tlisa phapang pakeng tsa maemo a mehloodi ya dimenerale e sebeditsweng le e sa sebetswang, mme ha jwale e eme tjena -

- bakeng sa mehloodi ya dimenerale e sebeditsweng: bonnyane ba 0.5% ho isa boholong ba 5%
- bakeng sa mehloodi ya dimenerale e sa sebetswang: bonnyane ba 0.5% ho isa boholong ba 7%

## Ebe royalthi e lokela ho leshwa neng, jwang?

Ditefo di ka etswa ka [eFiling](#) ka tshebediso ya boikgethelo ba tefo ya tlatsetso. Hlokomela hore mokgwa wa ho sebedisa dibanka bakeng sa ditefo tsa MPRR o tla fediswa ka mora la 31 Tlhakubele 2019, sena se bolela hore ditefo tsohle tsa MPRR di tla kgona ho leshwa feela ka mokgwa wa eFiling. Ka kopo netefatsa hore ho ba le eFiling bakeng sa molefalekgetho ka mong wa MPRR mme o qale ho etsa ditefo tsohle ka mokgwa ona ho netefatsa hore ha ho be le mathata ha mokgwa wa ho sebedisa dibanka o filha pheletsong.

Hlokomela hore tefo ka nngwe e tlameha ho tsamaya mmoho le [foromo e tlatsitsweng ya MPR3 \(e ntjha\)](#) ho ya ka molao bakeng sa ditefo tse pedi tsa nakwana, tefo ya boraro ya tjelele e fetang moedi mmoho le kgutliso ya makgaolakgang (ebang ho ntse ho hlokeha tefo e nngwe).

Mokgahlelo	Tlhaloso	Letsatsi la ho ntshuwa	Sephelelo sa ho ntshuwa
<b>Mokgahlelo wa 1</b> <ul style="list-style-type: none"> <li>• <b>Foromo ya MPR3 (e ntjha)</b></li> </ul>	Ho ntshuwa ha kgutliso e ntjha ya MPR3 (foromo). Foromo e kenyeletsa tefo / kgutliso ya pejana MPR2 mmoho le ya kgale ya MPR3. RAV01 e tla nne e sebediswa ho ngodisa setheo se molaong (ngodiso e le nngwe), le MPR01 bakeng sa botho ba MPRR	01 Mphalane 2018	E ntshitswe ka katleho, ya phatlalatswa mme haesale e sebediswa ho tloha ka la 01 Mphalane 2018. Dikgutliso tsohle tsa MPRR di tlameha ho nyehelwa ho MPR3 ena e ntjha, le bakeng sa dinako tsa pejana.
<b>Mokgahlelo wa 2</b> <ul style="list-style-type: none"> <li>• <b>RAV01 bakeng sa botho ba MPRR</b></li> <li>• <b>Tharollo ya mokgwatshebets o ya boingodiso le botho</b></li> </ul>	Ho ntshuwa ha mokgwatshebets wa data e ka sehloohong le boingodiso bakeng sa molefalekgetho. Ho etswa ha akhaonto ya molefalekgetho le ho tiiswa ha botho ba MPRR (boitshetleho - data e ka sehloohong e tlameha ho hlwekiswa). Nomoro ya akhaonto ya (Nomoro ya referense ya lekgetho la MPRR) e tla qala ka "814....". Dingodiso tse ntjha le tsa botho ba MPRR di tla etswa ka tshebediso ya foromo e ntjha ya RAV01 (e nkang sebaka sa foromo ya MPR1). Sheba leqephe la ngodiso websaeteng ya SARS bakeng sa dintlha tse fetang mona.	25 Pherekgong 2019	Ho motjheng
<b>Mokgahlelo wa 3</b> <ul style="list-style-type: none"> <li>• <b>Mokgwa o motjha wa tefo ka eFiling bakeng sa MPRR</b></li> <li>• <b>Ho fediswa ha mekgwa ya jwale</b></li> </ul>	Ho ntshuwa ha mokgwa o motjha wa tefo ka eFiling. Ho fediswa ha mekgwa e meng ya jwale ya tefo - ka EFT le dikhaontareng tsa makala a dibanka (Payments@Banks), mmoho le mokgwa o teng jwale wa eFiling bakeng sa ditefo tsa MPRR.	Ka mora la 31 Tlhakubele 2019 (sena se tla netefatswa)	Letsatsi la ho ntshuwa le tla netefatswa le ho tsebiswa balefalekgetho

ya tefo			
<b>Mokgahlelo wa 4</b>  <ul style="list-style-type: none"> <li>• <b>Mokgwa o motjha wa eFiling – nyehelo ya dikgutliso</b></li> </ul>	Ho ntshuwa ha mokgwa wa ho nyehela dikgutliso ka eFiling.	Ka mora Phuptjane 2019 (sena se tla netefatswa)	Letsatsi la ho ntshuwa le tla netefatswa le ho tsebiswa balefalekgetho
<b>Mokgahlelo wa 5</b>  <ul style="list-style-type: none"> <li>• <b>Ho ntshuwa ho tletseng le hwa makgaolakgang</b></li> <li>• <b>eAccount</b></li> <li>• <b>Setlankana sa Akhaonto</b></li> </ul>	Ho ntshuwa ha eAccount le Setlankana sa Akhaonto ho eFiling ho kgontsha balefalekgetho ba MPRR ho hlokomela akhaonto. Ena ke tshebetso e phethahetseng le ho ntshuwa ha makgaolakgang.	Ka mora Loetse 2019 (sena se tla netefatswa)	Letsatsi la ho ntshuwa le tla netefatswa le ho tsebiswa balefalekgetho

O ka fumana tataiso ya kantle ya moraorao tjena ya MPRR le foromo ya MPR3 ka tlase mona:

- [Mineral and Petroleum Resources Royalties External Guide](#)
- [MPR3 Mineral and Petroleum Resources Royalty Return External Form](#)